

II

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-22418/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka b. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 10. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10), Skupština Kantona Sarajevo, na sjednici održanoj dana 28.06. 2016. godine, donijela je

ODLUKU

O IZMJENAMA I DOPUNAMA ODLUKE O
UREDIVANJU JAVNOG PRIJEVOZA LICA
ZAPREŽNIM VOZILIMA-FIJAKERIMA

Član 1.

(Izmjena člana 4.)

- (1) U Odluci o uređivanju javnog prijevoza lica zaprežnim vozilima - fijakerima ("Službene novine Kantona Sarajevo", broj 28/14) u članu 4. tačka b) riječi "fijaker može biti u jednoj od boja po izboru vlasnika fijakera" zamjenjuju se riječima "fijaker mora biti crne boje;"
- (2) Tačka h) mijenja se i glasi:
"h) nepropusnu tamnozelenu vreću koja se sa jedne strane zakači na stražnji dio konja, a sa druge pričvrsti za fijaker;"

Član 2.

(Izmjena i dopuna člana 10.)

- (1) U članu 10. stav (1) mijenja se i glasi:
"(1) Vozač fijakera se mora pridržavati trase kretanja propisane rješenjem, prijevoz vršiti tako da ne remeti druge učesnike u saobraćaju, a brzina kretanja fijakera mora biti ograničena brzinom kretanja konja kasom".
- (2) Stav (2) mijenja se i glasi:
"(2) Vozač fijakera dužan je pridržavati se svih sanitarnih uslova, te u urednom stanju održavati fijaker sa pratećom opremom iz člana 4. ove odluke, konja fijakera i stajalište fijakera".
- (3) Stav (4) mijenja se i glasi:
"(4) Fijakerom se može prevoziti maksimalno četiri lica i vozač fijakera, a u toku prijevoza je zabranjeno je vršiti prijem novih putnika".
- (4) Iza stava (5) dodaju se novi st. (6) i (7) koji glase:
"(6) Vozač fijakera obavezan je poslije svakog zaprljanja redovno vršiti ispiranje i čišćenje nepropusne zelene vreće za konje, a konjski izmet odlagati na unaprijed utvrđena mjesta.
- (7) Lokacije za odlaganje otpada iz stava (6) ovog člana, kao i način odvoza, propisaoće svojim propisom općina na čijem području se obavlja prijevoz fijakerima.

Član 3.

(Dopuna člana 15.)

U članu 15. stav (2) iza riječi "poslove", dodaju se riječi "(kantonalni saobraćajni inspektor, tržišni inspektor i inspektor zaštite prirode)."

Član 4.

(Stupanje na snagu zakona)

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-22417/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine Grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo, na sjednici održanoj dana 28.06.2016. godine, donijela je

ODLUKU

O DAVANJU NAZIVA NOVOIZGRADENOJ ULICI, NA
LOKALITETU "SKENDERIJA-PODTEKIJA"

Ovom odlukom vrši se davanje naziva novoizgrađenoj ulici, na lokalitetu "Skenderija-Podtekija" na području Općine Centar-MZ "Skenderija-Podtekija" kako slijedi:

1. Novoizgrađenoj ulici na lokalitetu "Skenderija-Podtekija", MZ "Skenderija-Podtekija", daje se naziv i glasi: Ulica "Omerbegović Muamer".

II

Nadležni organ uprave Općine Centar dužan je da u što kraćem roku izvrši izmjenu naziva ulice u MZ "Skenderija-Podtekija", a Kantonalni zavod za planiranje razvoja Kantona dužan je u roku od 8 dana uvrstiti u Registar ulica, trgova i mostova, naziv iz tačke I ove odluke.

III

Ova odluka objavit će se u "Službenim novinama Kantona Sarajevo".

Broj 01-05-22440/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo ("Službene novine Grada Sarajeva", broj 7/94) i ("Službene novine Kantona Sarajevo", broj 12/06), Skupština Kantona Sarajevo, na sjednici održanoj dana 28.06.2016. godine, donijela je

ODLUKU

O IZMJENI NAZIVA DIJELA ULICE, ODNOSNO
PREIMENOVANJU DIJELA ULICE NA PODRUČJU
OPĆINE VOGOŠĆA

I

Ovom odlukom vrši se izmjena naziva dijela ulice, odnosno preimenovanje dijela ulice na području Općine Vogošća - MZ "Vogošća I" kako slijedi:

1. Dio ulice "Jošanička" od broja 16 do broja 74, mijenja se i glasi: Ulica "Samira Gradišića".

II

Nadležni organ uprave Općine Vogošća dužan je da u što kraćem roku izvrši izmjenu naziva ulice u MZ "Vogošća I", a Zavod za planiranje razvoja Kantona Sarajevo dužan je u roku od 8 dana uvrstiti u Registar ulica, trgova i mostova, naziv iz tačke I ove odluke.

III

Ova odluka objavit će se u "Službenim novinama Kantona Sarajevo".

Broj 01-05-22441/16
28. juna 2016. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.